

KPDNHEP lakukan serbuan rampas gula-gula berasap dijual 50 sen satu paket

Peniaga sorok 'Ghost Smoke'

Oleh NORLIDA AKMAR IDROS dan SHARKAWI LONDING

JOHOR BAHRU – Peniaga dan penjaja yang menjual gula-gula berasap 'Ghost Smoke' di sekitar kawasan sekolah di negeri ini dipercayai sudah bertindak menyembunyikan produk makanan itu daripada dijual kepada kanak-kanak.

Mereka bertindak menyembunyikan makanan ringan itu selepas video tular sejak minggu lalu menunjukkan kanak-kanak berpakaian sekolah menghisap gula-gula 'Ghost Smoke' sebelum mengeluarkan asap seolah-olah seperti menghisap rokok.

Gula-gula tersebut kini menjadi kegilaan murid-murid sekolah rendah sehingga melahirkan kebingungan dalam kalangan ibu bapa.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) negeri Johor, Mohd. Hairul Anuar Bohro berkata, taktik peniaga menyorok gula-gula itu beriku-



GULA-GULA 'Ghost Smoke' berharga 50 sen satu paket yang dirampas KPDNHEP dalam pemeriksaan ke atas beberapa premis runcit dan borong di sekitar Kulim, Kedah semalam.



MOHD. HAIRUL menunjukkan barang rampasan 'Ghost Smoke' dalam serbuan di Masai pada sidang akhbar di Menara Ansar, Johor Bahru semalam.

"Hasil pemeriksaan ke atas premis pemborong itu, pihak kita merampas lima kotak mengandungi 150 paket gula-gula berasap bernilai RM37.50.

"Berdasarkan maklumat harga jualan kepada peruncit adalah sekitar RM7.50 sekotak dan peruncit menjual kepada pelajar se-

kolah 50 sen satu paket," katanya pada sidang akhbar di Menara Ansar di sini semalam.

Tambah Mohd. Hairul, beliau tidak menolak kemungkinan bekalan itu diimport sebelum dipasarkan di negeri ini namun pihaknya masih meniasat sumber bekalan gula-gula diperolehi.

"Pihak kami akan melakukan siasatan terperinci ke atas barangan dirampas kerana maklumat, kandungan serta label logo halal diragui," jelasnya.

Sementara itu, di Kedah pihak KPDNHEP merampas sebanyak empat kotak gula-gula 'Ghost Smoke' di sebuah kedai runcit di sekitar Pekan Mahang, Kulim kelmarin.

Dalam operasi kira-kira pukul 9.30 pagi itu, kotak tersebut mengandungi 108 paket 'Ghost Smoke' dianggarkan berjumlah RM54 dijual di premis tersebut.

Ketua Pegawai Penguat Kuasa Daerah KPDNHEP Kulim, Mohd. Fazly Edros memberitahu, pihaknya memandang serius peniaga yang menjual gula-gula tersebut selepas penggunaannya dalam kalangan pelajar sekolah tular baru-baru ini.

"Tindakan mengikut Seksyen 5 Akta Perihal Dagangan 2011, jika sabit kesalahan penjual boleh didenda RM100,000 atau penjara tidak lebih tiga tahun atau keduanya sekali," katanya.